

## Presentada

MARTINO CONTU  
Presidenti de su Centro Studi SEA

Cumenzendi de cust'annu "Ammentu" bessit comentu de rivista donnia ses mesis, mentras de sa sigunda parti de s'annu hat essiri in coedizioni cun sa Domu editora AIPSA de Casteddu.

Su quartu numeru s'oberit cun d'unu Dossier e dus Focus. Su Dossier, *Saludi pubblica e saludi de sentidu in su Campidanu 'e mesu*, proponit in tottu undixi articulus: ottu de diversas disciplinas apizzus de su stadu de sa saludi mentali in sa zona de cumpetenzia de s'ASL (Azienda Sanitaria de su logu) n. 6 de Seddori, prus unu articulu apizzus de su stadu de sa saludi pubblica e de su sentidu de sa popolazioni de su carceri circondariali de Is Arenas, appartenenti a su comunu de Arbus. Sa cumpetenzia de sa ASL n.6 currispundit cun su territoriu de sa provincia beccia de su Campidanu 'e mesu, chi abrazzat 28 comunus, cun d'una popolazioni chi in tottu est prus de 100.000 personas; territoriu sinnalau in custus urtimus annus de su smenguai de sa genti e de una crisi grai meda socio-economica comentu est esplicau beni in is primus dus articulus de su Dossier.

A s'ighiri su Focus *Famillias modernas in America latina*, appariciu de Carolina Muñoz-Guzmán, chi abrazzat s'argumentu de su ruolu e de is difficultadis de oindi de sa famiglia in su sub-continenti americanu cun attenzioni s'un prus a sa situazione de su Cile. Po mellus nai, benint trattaus is temas de is servizius sanitarius e de is avvisitas de is dottoris a is domus de is famillias, certas bisuras de s'organizzazioni sociali e gerarchica de is famillias, sa posizioni de s femmina in d'una sociedadadi de diora patriarcali, po depi studiaia sa trista condizioni de s'immigrazioni de is pipius e picioccus chi approillat in Cile benendindi de is atrus Stadus de su Sud-America e serraia su discursu storicu apizzus sa politica po sa gioventudi fatta in su Cile de una dexina de annus a oi. A s'acabu, si sinnalat su sigundu e urtimu Focus nomena *Profili di antifascisti, repubblicani, socialisti e democristiani e di pentecostali sardi perseguitati dal regime del duce*, appariciu de Lorenzo De Biase, arregorta de articulus chi isplikat s'attitudadi antifascista de unus cantu repubblicanus e socialistas de su centru minerariu de Guspini e de su democristianu Giorgi Mastino del Rio, nasciu in Ballau, scampau a sa morti in sa stragi nazista de is Fossas ardeatinas de su 24 marzu 1944. Serrat su Focus unu studiu chi chistionat de sa vida de cinqu pentecostalis isolanus persighius sia in Sardigna e sia in Continenti de su regimi fascista in cantu aderentis a una religioni "acattolica", considerada perigulosa po s'ordini sociali e contras a s'integridadi fisica e mentali de sa razza.